

100



**A MORIS**  
**AFFECTUM TENERRIMUM, ARDENTISSIMUM**  
 IN NUPTIIS,  
 QVAS FELICES FAUSTASQVE DEUS ESSE JUBEAT,  
**STEMPELIANO - NITSCHIA-**  
**NIS,**

DIE XXII. JUNII M DCCXI.

GRATULABUNDUS

REPSÆSENTARE VOLUIT

**Fidus Achates.**



**Amor**

Tenerrimus ille animi affectus,

Impetus ille affectuum acerrimus,

Callidissimus ille fur cordis,

Mentis ille tyrannus invictissimus,

Forte, quid faciat, quæris?

En! quam hominis animum flectat.

En! quam hominis sensus voluntatemq; rapiat.

En! quam hominis corpus totum alliciat,

En! quam oculos in rem amatam dirigat.

En! quam auribus catenas injiciat,

En! quantam celeritatem pedibus indat,

En! quantam ori venustatem pariat.

En! quantam manibus solertiam addat.

En! quantopere cor deniq; sui juris faciat.

Cujusnam hominis?

Puellarum tantum ac adolescentum?

Vah! senum quoque ac decrepitorum.

Vah! & virorum & heroum fortissimorum!

En! David decrepitis in gremio puellæ gestit calefcere.

Samton alioquin invictus, victus vincetusq; amore Delilæ.

Hercules invictus, victus amore Omphalæ,

Hujus sandalio caput præbet mitigandum.

Scili-

AL

Scilicet Amor amat saxa perrumpere,  
 Obices vinculaque perfringere,  
 Molestias mortemque pervincere.  
**En!** Amor filialis medias per flammam portat Anchisen.  
 Amor conjugalis propinat sibi cineres Mausoli.  
**En!** vivum presentissimumque amoris exemplar  
 In Pyramo illo & Thisbe:  
 Pares hi erant aetate ac moribus,  
 Amoribus quoque erant pares.  
 Amorem aedium contiguarum vicinitas pepererat.  
 Amorem consuetudo puerilis a teneris aluerat.  
 Perfecerat rara in utroque forma amorem.  
 Amorem nubilis jam aetas auxerat,  
 Abnuerat, prohi! mutua Parentum firmitas amorem.  
 Amorem omni colloquio conspectuque interdixerat.  
 Quid agit Pyramus?  
 Quo se vertit Thisbe?  
**En!** tenuis in communi pariete rima  
 Domesticis haecenus ignota,  
 Et Amantibus primis visa.  
 (Quid non rimatur, non explicatur Amor?)  
 En? rima illa fecit voci iter.  
**En!** per illam murmurē tuta blanditiā transibant,  
 Transibant & suspiria.  
 Transire sed oscula nequibant:  
 Hæc enim vale sibi dicentes parieti figebant,  
 Parti quisque suæ non pervenientia contra.  
 Nimis tenuis ac angusta erat illa parietis rima,  
 Rimam at quantam in pectore Amantium faciebat,  
 Vah! tam angustam eruptionem ferre non poterat Amor.  
 Amor quærebat in proximum nemus liberum meatum.  
 En! locus fugæ constituitur,  
 Eligitur umbra Mori opacæ arboris.  
 Thisbe, elusis custodibus, egreditur prima,  
 Prima ad nemus advolat.  
 (alas namque addebat amor)  
 Prima Thisbe advolat, at exterrita prima,  
 Quum læna à boum cæde recens occurrit,  
 Depositura sitim vicini fontis in unda.  
**En!** exterrita Thisbe in antrum quoddam fugiens,  
 Capitis amittit velum  
 Quod læna à boum cæde redux ore cruento laniat.

Eccc



Ecce! sub hæc adest Pyramus,  
Pyramus lænæ vestigia tabulo impressâ cernit,  
Cernit & Thisbes suæ velum cruentum.

Vah! quid facit Amor?

Pyramus suam extinctam vitam ratus,  
Ratus, belluæ dentibus laceratam Thisben suam,  
Amorem vertit in furorem,

Nam animi amens, & ad arborem condictam tendens,

Ibi, non inventa Thisbe sua,

Thisbes suæ carissimæ velum arripit,  
Incumbit in ensen, vitamque cum sanguine profundit.

Quid tandem Thisbe?

Hæc dum animum à terrore collegerat,

Ad morum properans videt pulsare membra Cruentum.

Thisbe, nescio amore, an horrore percussa hæret,

Hæret, pedemque refert stupenti magis, quam amanti similis.

Sed postquam remorata suos cognovit amores,

In amplexum morientis ruit,

Tingit lacrymis suis cruorem,

Amantem suum amplexibus cingit,

Pyrame, exclamans, quis te mihi catus ademit?

Pyrame, responde, tua te charissima Thisbe vocat.

Pyrame, exaudi vultusque extolle jacentes.

Quid Pyramus jamjam moribundus?

Ad Thisbes ille suæ nomen quasi ab inferis vocatus,

Oculos in morte gravatos erigit,

Erigit, visaque tua ultimum Thisbe, condidit oculos.

Tanta amoris vis est & efficacia!

Quis deniq; finis, qui exitus catus tam tragici?

Vah! præsto si fuisses,

Vidisses Thisben præ dolore genas laniantem,

Tudentem pectus, capillos evellentem,

Genas defuncti Pyrami lacrymis irrigantem,

Ac, viso in dextra Pyrami velamine suo,

Dum eo ipso mortis causam facile agnoscit,

Omnes, quas habet, vires colligentem,

Ferrum in suum ipsius pectus defigentem.

Supra jacentis corpus collabentem

Ipsi oscula fortuita & frigida libantem,

Ac denique in ejus ore & sinu expirantem.

En! SPONSE NOBILISSIME,

Vivi-



Viridum præfensqve ardentissimi Amoris exel.  
 Quis tibi talia legenti lenius?  
 Amore, non fallor, ardescere videris  
 Amore puro ac candido,  
 In SPONSAM TUAM NOBILISSIMAM  
 Virginem eximiis animi corporisque dotibus fortunatam;  
 Natam nobili ac honesto genere Virginem,  
 Notam Tibi à teneris, à teneris forte & amatam,  
 Nulli à pia prudentia morumqve gratia secundam  
 JOHANNAM SOPHIAM TUAM DULCISSIMAM,  
 Amantem Tui in vita, in morte, quam Deus seram jubeat,  
 amantem,  
 Desiderantem in tuis amplexibus expirare,  
 Doctam, eductam rara Parentis pietate  
 Viri Nobilissimi atqve Excellentissimi  
 DN. MAURITII NITSCHII, &c. &c.  
 Accurrite Torquentes testes oculati:  
 Quanto ille amore flagrabat in beatam Uxorem  
 MAGDALENAM SOPHIAM,  
 Nobilissima stirpe SCHRAMMIANA ortam!  
 Quam pie appropinquabat tumulo tumultuandæ uxoris!  
 Quam pie, levi quodam tumultu audito, curabat,  
 Ut Defunctæ ossa molliter cubarent.  
 Curabat, & qui modocunqve Spectatorum præsto erant,  
 Mirabundi amorem conjugalem, stupebant.  
 Amplexere itaqve SPONSÆ NOBILISSIME  
 Sponsam tuam tam pia stirpe oriundam,  
 Amplexere eam, eam ama, cogita, somnia,  
 Delecta Te ea, ea te recrea,  
 Liba tuæ Costæ castæ casta oscula,  
 Vivendo cum ea læte ac feliciter.  
 Cum Costæ casta tua, tandem vitæ sature, expira  
 Pic, placide, beate.



27. Nov. 1961  
-9. Aug. 1982

78 M 355 (1)

ULB Halle 3  
002 188 791




TA 50L

VD17









**A MORIS**  
AFFECTUM TENERRIMUM, ARDENTISSIMUM

IN NUPTIIS,

QVAS FELICES FAUSTASQVE DEUS ESSE JUBEAT,

**STEMPELIANO - NITSCHIA-**  
**NIS,**

DIE XXII. JUNII M DCCXI.

GRATULABUNDUS

REPSASENTARE VOLUIT

Achates.



**Amor**

ille animi affectus,  
affectum acerrimus,  
ille fur cordis,  
annus invictissimus,  
faciat, qvaris?  
animum flectat.  
sensus voluntatemq; rapiat,  
corpus totum alliciat,  
rem amatam dirigat.  
atenas injiciat,  
item pedibus indat,  
munitatem pariat.  
ous solertiam addat.  
deniqve sui juris faciat.  
am hominis?  
m ac adolescentum?  
oque ac decrepitorum.  
heroum fortissimorum.  
gremio puellæ gestit calefcere.  
victus vincetusq; amore Delilæ.  
victus amore Omphalæ,  
ut præbet mitigandum.

Scili-

AL

